

EW NAMOPUNG

A ataeno ewe Truk District Staff Merit System Sopun 21, Itenap 21 me non ewe Puken Annukun Chuuk apachata Sopun 20, Itenap 21 chon angangen Legislature, me pwan ren ekkoch popun.

Epwe Pung me ren ewe Legislature-un Chuuk pwe:

Tetten 1. Katano. Sopun 21 non ewe Puken Annukun Chuuk iei a katano non unusan.

Tetten 2. Ekkesiwin. Itenap 21 non ewe Puken Annukun Chuuk iei a ekkesiwin an kapachenong Sopun 20 an iei usun ititin:

Tetten:

300. Tumunun Imwen Legislature me pisekin

301. Ofesin Speaker

302. Ofesin Legislative Counsel

303. Angang fengenin

304. Chon Angang

305. Administrative Officer

306. Chief Clerk

Tetten 300. Tumunun Imwen Legislature me Pisekin. Tumunun imwen Legislature me pisekin Legislature epwe nom fan tumunuwen me otaen napanapen tumunun seni ewe Speaker. Ewe Speaker epwe tumunu ewe imwan Legislature me nenien usun chok annukun me napanapen tumunu ekkewe imwen muun non ewe State an Chuuk. Fonu mei nom fan tumunuwen ewe Truk Legislature epwe nom ren ewe Truk Legislature chinoon chok ika a siwin seni forien Legislature Annuk.

Tetten 301. Ofesin Speaker. Tumunun non ewe Legislature epwe nom fan emwenien me nemenien ewe Speaker.

Tetten 302. Ofesin Legislative Counsel. Epwe wor me non ewe Legislature-un Chuuk ew Ofesin Legislative Counsel ewe epwe nom fan afatanean me tumunuwen ewe Legislative Counsel. Ewe Legislature, seni mefien ewe Speaker ika seni tungor epwe finata emon Legislative Counsel an epwe angang ngeni Legislature fansoun mwiich me nefinan mwiich. Finitaan ewe Legislative Counsel e chok fis nge esap anongonong won menni kinikinin mwiich e chooni nge epwe anongonong won tufichin an epwe tongeni fori angangen ewe ofes ren ekkei ra tetenitiw:

(1) epwe wisen anisi me emmweni Legislature non pekin annuk ren; for nopung, tungor, ika ekkesiwin ngeni, me anisi ekkewe committees non pekin annuk ika emon me emon monun Legislature atun a wor tungor;

(2) epwe kutta poraus fan asengessin pekin annuk atun mei wor tungor seni Legislature, an kewe committees ika monun mwiich;

(3) epwe emmweni Legislature non fansoun me fansoun atun mei namot an epwe wor ekkesiwin ngeni ekkewe annukun Chuuk me ekkewe annukun napanapen mwiich;

(4) epwe esinei ngeni Legislature atun mei namot me annuk ese chiwen namot an pung, ese chiwen pochokun, ika ra fiu ngeni pwan ekkoch annuk, tungor ika pungun kapung iwe epwe wata met mefian ika mochenin ngeni ei napanap;

(5) amonata porausen ika taropwe fan asengessin ekeikin, poputaan, namoten an kawor, ika met sakkun ekiekingaw an esap tonong me mesenapen aweve ren ew anapanapen nopung fan akunowen ewe Speaker;

(6) epwe pwan emmwenin mwiich(parliamentarian);

(7) awora kutten; fan asengessin angangen pekin fori annuk me osukosuken pekin tumunu angang;

(8) epwe tumunu repot seni ekkewe fos, putai, me ekkewe auonamen putai ren met mei tongeni ku Truk State, ika ekkewe state me pwan ekkoch territories fan tumuwen United States of America; me pwan ekkoch mettoch, taropwe ika books ren met epwe tongeni awora unusen poraus mei auchea an epwe tongeni fis mwokutukutun ekkewe napanap mei fiffis ika met epwe tonong non anapanapen annuk fan iten forutaan me tumunun ekkewe osukosuk;

(9) epwe pwan awora tumunun me nemenemen ewe chon angang nukun me non imw ren met mei auchea ngeni Legislature; me

(10) epwe pwan fori ekkoch angang ewe Legislature ika Speaker ra ewisa ngeni.

Tetten 303. Angang Fengenin. Ewe pekin apochokuna annuk me ewe Ofesin Speaker repwe angang fengen ren met mei auchea me namot fan asengessin chon angangen Legislature. Ewe Speaker epwe emmweni me nemeni ewe Ofesin Legislative Counsel.

Tetten 304. Chon Angangen. Meinsin chon angangen non ewe Ofesin Speaker me Legislative Counsel repwe pwan pachenong non ekkewe sakkun namoten me tufichin chon angang non ewe napanap chon angangen Chuuk ra nom fan. Iwe, nge ren chok etipeewin niwin epwe wor pungupung sefan won iteiten murin ruwanu ier. Meinsin mei kefinita ren chon angang ren Speaker me ewe Legislative Counsel repwe ruwanu ier.


Tetten 305. Administrative Officer. Epwe wor emon Administrative Officer ewe epwe wisen chon tumunu ewe Legislature me choon angang fan emmwenien ewe Speaker.


Tetten 306. Meinapen Sou-mak. Epwe wor emon Meinapen Sou-mak epwe wisan:


- (1) rekotuni me tumunu puken iteiten ranin mwiichen ewe Legislature;
- (2) fori me eineti nopung me tungor mei katonong;
- (3) tumunu file fan asengessin mettoch meinsin mei weneiti angangen ewe Legislature; me
- (4) pwan ekkoch angang ewe Speaker epwe finata. Ewe Meinapen Sou-mak epwe nom fan emmwenien ewe Speaker.


Tetten 2. Nefinen Fansoun. Ewe Speaker a unusen angei pochokun an epwe poputani me ammasowa ewe kootsefanin ewe pekin fori annuk fan pungun ei annuk. I epwe tongeni fori pungun wisan akukunano chon angang, ammweta fetanei chon angang ika mei auchea fan asengessin an epwe fori angangen nefinen fansoun me fansoun seni napanap non ei atun.

Tetten 3. Poputan Pochokunan. Ei annuk epwe poputa pochokunan atun an kapunguno me ren ewe Kepina, ika atun chok an pusin winiti annuk nge esemwo kapunguno.

Sain seni: 
Tadashi C. Wainit, Speaker
Legislature of the State of Truk

Annata: 
Datsi Albert
Legislative Clerk/Secretary
Legislature of the State of Truk

Pwinin maram: 

Kapunguno seni: 
Enqart Aten, Governor
Truk State Government